

# Gaeltacht

6ú Iúil, 1973.

Iml. I Uimhir 10.

Gach mí

LUACH 6p.

## Oirniú Sagairt Óig as Gaoth Dobhair



BHÍ OLLGHAIRDEAS I nGAOTHDOBHAIR TRÁTHNÓNA DOMHNAIGH AN 10ú MEITHEAMH - NÍ HÉ AMHÁIN I nGAOTH DOBHAIR ACH I BPARÓISTE CHLOICHEANNFHAOLA COMH MAITH AR THEACHT NA BHAILE DON SAGART ÓG - CATHAL Ó FERRAI MAC LE CONAL AGUS BRÍD BEAN UÍ FHEARRAÍ AS AN LUINNIGH.

Bhí brait ar craicheadh sa Ghaoth fomharthaí fáiltiú trasna na mbóth-ar, tinte ar lasadh ar na hardáin, agus na slóite duine ag na cros-bhóthair i rith an bhealaigh on Fhál-carrach anoir gur shroich an Sagart Óg a bhaile féin.

Ag barr Dhobhair bhí banna-Ceoil na bpáistí ag fanacht agus biodh go raibh sé ag cur de dhion 's de dheora san am, shiúl fir, mná agus páistí cos ar chois sa mhór-shiúl an leath mhíle go Teach Chathail Mhic Aoidh agus a bhean Sally, athair-mór agus

máthair mhór an tSagart. Ag an teach thug an tAthair Cathal a bheannacht don tslua.

Ag Doiríbeaga bhí an dá bhanna-ceoil ag fanacht banna-cheoil na bpiob na Machaireacha agus banna-cheoil Dhoiríbeaga leis an sagart a chomhóradh go dtí na bhaile féin. Ar bhaile na Luinnigh cuireadh an dlaoi mhullaigh ar an fháilte, iad-san nach raibh caoi orthu dhul ina airicis bhí siad cruinnighthe ann ó bharr a' Toir go Cnoc Fola. Bhí an Luinnigh uilig ar lasadh le soilse agus nuair a chuaigh an Sagart

Óg in airde ar an ardán ag taobh a theach féin, tógadh gair molta agus lúchaire nar cluineadh a leitheid a roimhe ar an Luinnigh.

Labhair an Canónach Mac Eiteagáin Sagart na Paróiste ag cur fáilte roimhe agus an tAthair Aodh Mac Cnáimhsí, Sagart paróiste Chloicheannfhaola a bhí ina Ard-Mhaistir ar Ard-Scoil Mhuire nuair a bhí an tAthair Cathal ann mar mhac-léinn. Chuir Éamonn Ó Gallchóir O.S. an Priomh Oide a bhí aige ar an bhun-scoil, fáilte roimhe ar son an phobail. Labhair an tAthair Prionsias Ó hEarráin an Sagart Óg as Dobhair a bhí ina chara aige ar an Ard-Scoil agus a tháinig na bhaile as Meiricea don oirniú. Labhair an tAthair Cathal é féin ansin agus thug mór-bhuíochas do na cainteoirí do na bannaí-ceoil agus do phobal na Gaeltachta uile a chuir an fháilte chaoin fhlaithiul seo roimhe mar Shagart. Sé Prionsias Ó Maonaigh O.S. as Scoil na Luinnigh a chuir na cainteoirí in aithne.

Tráthnóna Dé Luain léigh an tAthair Ó Ferrai a chéad Aifreann



i dTeach Phobail Mhuire in Doirí beaga. Binne ceithre scór páistí - banna ceoil Dhobhair agus banna Ceoil GhaothDobhair iad uilig le chéile an Sagart Óg a chomradh go Teach an Phobail do na chéad Aifreann.

Rinne daréag sagart an tAifreann a chomhcheiliuradh leis:- An tAthair Seán Ó Gallchóir, Coláiste na Croise Naofa, An tAth., Dónal Mac Suibhne, Ard-Scoil Mhuire, An tAth., Prionsias Ó hEarráin, Dobhair agus Trenton, An tAth., Eoghan Ó Frighil, Cnoc Fola, An tAth., Aodh Mac Cnáimhsí S.P. Cloicheannfhaola, An tAth., Aodh Mac Suibhne, Coláiste Adhamhnain, An tAth., Piaras Ó Duill O.F.M.Cap., Baile Átha Cliath, An Dr., Fidelis Mac Enrí O.F.M. Coláiste Mha Nuat An tAth., Sean Mac Fhionn Doirí Beaga, An tAth., Éamonn Mac Giolla Chóil, Bun an Inbhir, An tAth., Ó Ceitinn, Glascú, An Canónach Mac Eiteagáin S.P. GaothDobhair, An tAth., Eoghain Ó Grianna Na Cealla Beaga agus an tOirmh., Cathal Ó Gallchóir (Diocán) Coitín Doirí Beaga.

ar lean. Leathanach 2.



An tAthair Prionsias Ó hEarráin as Dobhair ag caint leis an Dr. Mac Fichille. Bhí an tAthair Prionsias san rang céanna leis an tAthair Cathal in Ard-Scoil Mhuire.






## SPIUNSA BIABHOG

Gearr an Biabhog na phiosai agus cur isteach san mhias pioige iad, go mbeidh an mias leath lan. Cuir siucra leis. Anois dean meascan ciste.

### Comhgaisi

6 unsa pluir  
3 unsa margarin  
3 unsa siucra  
i uibh (mor)  
Blaisiu (liomoid)  
Bainne  
½ sp., bheag pudar bacala  
Modh.

Dean an meascan ciste agus cludaigh an biabhog leis. Dean e a bhacail i noigheann measartha te 420 no Gas 5 o ½ - ¾ uaire.



## Radio na Gaeltachta

DE SATHAIRN, 7u Iuil,

7.00 Nuacht agus Aimsir. 7.06 Spóirt. 7.30 Seisiun. 8.00 Nuacht. 8.03 Tuairisc Phearsanta. 8.30 A Ghloia a Chara. 9.00 Nuacht agus Aimsir. 9.15 Deireadh Craolta.

DE DOMHNAIGH 8u, Iúil,

7.00 Nuacht agus Aimsir. 7.06 Sean Ban Breathnach. 8.00 Cinnlinte na Nuachta. 8.03 Deirse anseo. 8.07 Learnheas. 8.30 Spóirt an Domhnaigh. 9.00 Nuacht agus Aimsir. 9.15 Deireadh Craolta.

DE LUAIN, 9 Iúil,

7.00 Nuacht agus Aimsir. 7.06 Sibhse a Phaisti. 7.30 Iris an Luain. 8.00 Cinnlinte na Nuachta. 8.03 Iris an Luain. 8.30 Luach do Shaothair. 9.00 Nuacht agus Aimsir. 9.15 Deireadh Craolta.

DE MAIRT, 10u Iúil,

7.00 Nuacht agus Aimsir. 7.06 Togha agus Rogha. 8.00 Cinnlinte na Nuachta. 8.03 Cre na Cille. Mir a Fiche a Tri. 8.30 Lan a Mhala. 9.00 Nuacht agus Aimsir. 9.15 Deireadh Craolta.

DE CEADAOIN, 11u Iúil

7.00 Nuacht agus Aimsir. 7.06 Seal le Cabaret Thuar Mhic Eide. 7.30 Iris an Ceadaoine. 8.00 Cinnlinte na Nua rhta. 8.30 Iris an Ceadaoine, cuid a do. 8.30 Grasta o Dhia ar Mhici. 9.00 Nuacht agus Aimsir. 9.15 Deireadh Craolta.

DEARDAOIN, 12u Iúil,

7.00 Nuacht agus Aimsir. 7.06 Dibhse a Mhna. 7.30 "ASÍ do Mhamho I" 8.00 Cinnlinte na Nuachta. 8.06 An tSeachtain seo. 8.30 Sa mBrúiseal. 8.40 Rogha Gene Martin. 9.00 Nuacht agus Aimsir. 9.15 Deireadh Craolta.

DE hAoine, 13u Iúil,

7.00 Nuacht agus Aimsir. 7.06 Sibhse a Phaisti. 7.30 Iris na hAoine. 8.00 Cinnlinte na Nuachta. 8.03 Iris na hAoine. 8.30 San Oireachtas an tSeachtain seo. 8.45 Lucht Leabhar agus Leinn. 9.00 Nuacht agus Aimsir. 9.15 Deireadh Craolta.

Bhí Tomás Ó Domhnaill, T.D., Aire na Gaeltachta, Doimnic Ó Riordáin, Cathaoirleach, Gaeltarra Éireann agus Cathal Mac Gabhann, Bainisteoir Ginearálta Ghaeltarra, i láthair ag comhdhail de chuid an C.E.L.I.B. (coimisiún é seo atá ann chun staidéir agus comheagrú a dhéanamh ar chúrsaí airithe na Briotaine) i Saint-Malo, san Bhriotáin.

### TADHG Ó COLLA

Is mór é brón phobail Ghaoth Dobhair faoi bhás Thaidhg Uí Cholla, na Machaireacha, mar bhí meas agus cion ag achan duine air.

Fágann sé a bhean Bríd iníon amháin Maebh, agus beirt mac, Peadar agus Feardorcha, ina dhiaidh. Bhí slua mór i láthair Dé hAoine 29ú Bealtaine nuair a cuireadh Machaire Gáthlán é. Beannacht Dé lena anam.

Comhghairdeas le Máire Ní Ghallchóir, (Máire Mhicí) as an Choitín, Doirí Beaga a fuair Ard-Diplóma ag Ollscoil na Gaillimhe. Níon le Aodh (nach maireann) agus Máire Bean Uí Ghallchóir.

### Oirniú Sagairt Óig

ar leanstan ó leathanach 1.

Máire deirfiúr an tSagairt agus a dhearthair Pluincead a thug amach na léachtaí. A mháthair, a Athair, a dhearthair Séamus agus a dheirfiúr bheag Aoife a thug Tabhartais na hOfrála go dtí n'Altoir.

Máire Bean Uí Bhraonáin a bhí imbun na cor-ceoil, agus chum Aodh Ó Dúgáin tar-Oide Scoile, Dobhar amhrán fé leith do'n Athair Cathal ar an ócáid mhór seo dó.

Bhí Teach Pobail CholmCille Cnoc Fola lán go doras tráthnóna lárharna mhárach don dara hAifreann ag an tSagart Ó Fearraigh. Chuir Seán Mac Fhionnlaoidh as an Ghlaisigh fáilte roimhe ar son phobail ChnocFola. Ag comhcheiliúirí an Aifreann leis bhí an tAthair Leon Ó Maoláin na Frossa a hoirniú ar an lá ceanna leis agus an tAthair Eamonn Mac Giolla Chóil Bun an Inbhir. Anna Ní Bhriain O.S. a bhí i mbun an cheoil agus cheol an pobal uilig le linn an Aifreann.

## Ceachtanna Priomháideacha Piano do pháistí

ag toiseacht tús mí Iúil ag MÁIRE NÍ BHRAONÁIN DOBHAR

Guthán Bun Beag 27

## Greene's Garage

Ford Anglia 1966.	Renault 4 1972.	Austin Maxi 1972
Mini 1966.	Renault 4 1971.	Fiat 124 Estate 1970.
Cortina 1971.	Mini 1971	Cortina 1967.
		Morris 30 cwt. Van. £90. (very clean)

A.A. agus R.I.A.C.

An Clochán Liath

Guthán 14.



# AnCO

## Oiliúint agus Athoiliúint do dhaoine fásta

Cuirtear na cúrsaí seo leanas ar fáil ag Ionad Oiliúna Anco, Ghaoth Dobhair. Maireann iomlán an chúrsa 20 seachtain.

1. Cúrsa Insealbhú Tionsclach
2. Cúrsa Faibhríthe Scileanna Bunúsach
3. Cúrsaí Tathaí
4. Cúrsa Aire Tionsclach
5. Cúrsa Oibriú Inneall
6. Cúrsa Ginearálta do Oibríthe Tógála

Oibreann an tIonad 40 uair sa tseachtain i dtimpeallacht cosúil le monarchan. Tá an traenáil eagraithe de réir cláir fhorleathain.

Ioctar liúntas seachtainiúil agus taistil leis na foghlaim-eoirí. Tá deontas loistín a íoc fosta do fhoghlaim-eoirí atá ar shiúl ón bhaile.

Foirm iarratais agus gach eolas faoi liúntais traenála ó An Bainisteoir, AnCo - Ionad Oiliúna Tionsclaíoch, Na Doirí Beaga, Leitir Ceanainn, Co. Dhún na nGall.





RADHARC DE MHACHAIRE CHLÓCHAIR C.1880.

## Banc na hÉireann

# Bun Beag

D'oscail an Banc Náisiúnta Teo. oifig ar an gClochán Liath i 1920.

'Sé Banc na hÉireann ár n-ainm anois agus oifig againn ar an mBun Beag chomh maith. 'Sé ár n-aidhm ná seirbhís cairdiúil pearsanta a thabhairt díbhse, a mhuintir na Gaeltachta.

Bí ag caint go luath le Paddy MacGiolla Bhríde i mBanc na hÉireann, Bun Beag. Cuirfidh sé céad fáilte romhat.



**Banc na hÉireann**  
**An banc le do linn**

Guthán : Bun Beag 116 agus An Clochán Liath 30.



## Machnamh

Ag amharc thart dúinn ar Eaglais Chaitliceach an lae inniu, caithfidh sé gur doiligh don seandúine a tógadh le sean dóigheanna agus tradisiún riartha na hEaglaise, caithfidh sé gur doiligh dó glacadh leo, an duine, mar shampla, a tógadh le freastal Aifreann; i Laidin, a bhí cleachtaithe le glacadh na Sacraimintí fríd úsáid Laidin, caithfidh sé gur ghortaigh an vernacular é rud beag siocar é a bheith ur nua. Bhí sé ar a shaimhín suilt agus é ag ráit a phaidrín agus an sagart ar an Altóir ag guí agus ag ofrail iobairt os íseal. Ba é a dhalta sin é ag riaraithe eile na hEaglaise.

Sé mo bharúil go bhfuil a leith-ead sin ag éirí cleachtaithe anois leis an rearadh úr seo agus nach maith an rud é. Tá tuigsint níos fearr ag daoine anois ar íobairt neamh-fhiulteach an Dlí Úr agus caidé'n paidrín iontach atá acu ann. Nach deas na léigheachtaí agus na Soisgéil a chloisint ina dteangaidh féin agus iad ag fáil míniú le dearcadh níos fearr.

Nach deas na Sacraimintí a fháil agus an sagart a thuigbheail. Cé gur athrú mór úsáid an "Vernacular," níl amhras, ná gur foirfeacht agus feabhar é don phobal.

Tá béim trom láidir ag an Eaglais anois ar an scriptiúir agus is mian léi go ndéanfadh an pobal an Bíobla a léigheadh go minic, agus ciall na ráiteas a thiontadh siar ina gcroithe. Ba cheart go mbeadh cóip den Bhíobla in achan teaghlach agus ní leor sin gan í úsáid - piosa dithe anois agus arís thall agus abhfus.

Sí an fhírinne atá muid ag cuartú agus ní briathra blasta binn agus triall againn ar an mhaith agus foirbhfeacht in áit caoin-chiall nó craobh scaoileadh focal. Mar deir an Saim - "Ná fiafraí cé duirt seo nó súid - tabhair aire don rud a dúbhradh" agus arís "Imigheann na daoine thart ach maireann fírinne an Tíghearna go brath." Siocar sin, glac suim i bhfocal Dé - an leabhar beannaithe an Bíobla.



## Bocsa na Litreach

A Chara,

Ag eisteach domh le nuacht scoil Rann na Feirste ar Nuacht Radio na Gaeltachta oíche Cheadaioine, 20 de Mheitheamh 1973, chuir se mo shaith aontais orm. Bhí se tuigte i gcónaí agam gur daoine cneasta fiuntach a bhí fa Rann na Feirste. Is cosúil nach dtabharann siad isteach do chearta saoranaigh ann anois, ar scor ar bith.

Dúirt siad go raibh aontas mór orthu nach raibh iomlán de pháistí Rann na Feirste ag freastal ar scoil Rann na Feirste. Cuireann se aontas mór ar chuid de na daoine fosta nuair a imionn chuid de mhuintir an bhaile sin chun Dia a

adhradh in paróistí eile. Ach ma gcuireann féin, ní thabharann siad le fios do'n tír e. Bhí sé tuigte agamsa gur an Dia chéanna a bhí i ngach teach pobal.

Ag dul aráis go ceist na scoile, caithfidh sé go bhfuil siad ag crothnú na bpáistí seo atá ag freastal ar scoil Anagaire. Nó bhféidir gur an rolla atá ag dul síos.

Tá súil agam nach n-iarrann siad cur in iúl dúinn gur an Ghaeilge atá siad ag smaointiú air. Nó faraor, níl a dhach le cluinstitín ag páistí scoil Rann na Feirste anois, ach SCOTCH.

Mise le Meas,  
Rosannach.

## DÚN LÚICHE

Naoi míle soir ó chosta Ghaoth Dobhair tá gleann álainn Direach faoi bhun an Eargail atá sí agus tá balla ard de chnoic fosta soir agus ó dheas. Ag bun an Ghleanna tá dhá loch, loch Dhún Lúiche agus loch na Cuinge agus ritheann uisce an dá loch isteach in abhann na Cláideadh a bheir chun na farr-aige iad.

Níl mórán daoine anois ina gcónaí sa Ghleann ach tá a scoil féin fós acu. Tá a dTeach Pobail féin acu fosta cionn de na tithe pobail is aille da bhfuil sa tír. Tá halla acu ach is annamh anois a bhíonn imeacht ar bith ar siúl ann. Daoine laghacha cairdiula iad pobal Dhún Lúiche go mba fada buan iad ina ndúthaigh féin.

Ta teach an Dúin, Dún Lúiche ceannaithe ag muintir Guinness on Mhaor Derek Cooper agus a bhean a bhí ina gcónaí san aras álainn seo le blianta fada anuas.

Tá an teach suite ar an taobh ó dheas de Loch Dhún Lúiche i lár coille. Tá súil againn gur chun leasa phobail Dhún Lúiche a rachaidh úsáid an tí agus an taimh seo sna blianta atá le theacht.

### TORAIGH

Deir Derek Hill, peintéir go bhfuil sé an-shásta leis an dóigh a d'éirigh leis an taispeantas ealaíne a bhí ag muintir Thoraigh i Shamrock Lodge, Fál Carragh. Taispeanadh níos mó na daichead pictiúirí, tarraingthe ag peintéirí an oileán idir óg agus aosta. B'é Derek Hill a thoisigh na daoine ag peinteáil i dtosach agus anois tá cail ar an oileán mar gheall ar a gcuid ealaíne.

Comhghairdeas le buíon ceoil Dhobhair a bhain an chéad duais ag Féis i Ros Neamhlach Dé Domhnaigh seo chuaigh thart. Tá siad ag glacadh páirt i gcomórtas i gCo. Liathroma i mí Lúnasa fosta. Go néiri an tadh leo.

### DÚN LÚICHE

Grianghraf le D. Mac Neillís, Gaoth Dobhair.





# Do'n Aos Óg . . .



Dia dhíbh a pháistí,

Tá an Samhradh buailte linn arís agus tá na laethe saoire ann. Tá mé cinnte go bhfuil na páistí uilig iontach sona agus nach gcrothnaíonn siad an maistear na an mhaistreas! Is cuma chomh cinealta leis na múinteoirí is maith le páistí a bheith saor.

An iarraidh seo tá cupla scéal agus crosfhocal agam díbh. Tá súil agam go mbainfidh sibh sult astu.

Slán go fóill, ó bhur gcara. . .

*Amháin.*

## AN COLM AGUS AN SEANGÁN

Lá amháin i lár an tSamhraidh bhí Seangán ag siúl leis féin chois abhna. Bhí an aimsear go hálainn agus bhí sé iontach té. Bhí an seangán ag amharc ar an uisce agus athas ar a chroí. "Nach deas glan fionnuair an tuisce!" a dúirt sé leis féin. "Caithfidh mé deoch a ól."

Nuair a bhí sé ag ól an uisce thit an créatúir bocht isteach san abhann agus d' imigh sé leis an tsruth.

"Cuidigh liom, cuidigh liom nó báifear mé!" a scáirt sé amach seanard a chinn. Bhí Colm thuas i gcarrán in aice leis an abhann agus chuala sé an seangán ag scairtigh. Thóg an colm duilleóg ina ghob agus chaith isteach san abhann é "Teigh in airde ar an duilleóg sin agus bheirfidh sí slán sábhailte go bruach na habhna thú," a dúirt an colm.

Rinne an seangán mar a hiarradh air agus tháinig gaoth bheag agus shiob sé an duilleóg go deas suaimhneach isteach go bruach na habhna. Bhí an seangán slán sábhailte ar an talamh thirim arís.

"Go raibh maith agat" arsa an seangán leis an cholm. "Shábhail tú mo bheo. Tá súil agam go mbeidh mé féin i ndán cuidiú leatsa lá éigin, slán agus beannacht agat."

"Slán leat" arsa an colm. "Tabhair aire duit féin anois agus ná tit isteach san uisce arís."

Cupla lá ina dhiaidh sin, bhí an seangán ag siúl leis faoin crann nuair a chonnaic sé fear agus gunna aige. Bhí an gunna dírithe ar an cholm agus bhí sé fá choinne é a scaoileadh. Rith an seangán agus bhain sé greim maith gearas. Leig an fearscread as féin agus thit a ghunna ar an talamh. D'éirigh an colm in airde sa spéir agus é slán sábhailte. Thóg an fear a ghunna agus d' imigh sé leis na bhaile.

Tháinig an colm aráis ar ball. "Tá mé fíorbhuíoch díot, a chara big" ar seisean leis an seangán. "a tusa i ndiaidh mo bheosa a shbhail an iarraidh seo."

Tursóir (ag snámh) Bhfuil sioc ar lth san uisce seo?


Dúisach - Níl. Tá eagla orthu roimna crogail.

### SCEALTA GRINN

Bhí triúr buachaill ann uair amháin agus siad na h-ainmneacha a bhí orthu na "Druid do Bhéal" Múineadh, agus Trioblóid. Chuaigh Múineadh suas ar chrann agus ghreamaigh sé. Chuaigh Trioblóid suas le cuidiú leis. Tháinig fear agus d' fíafraigh sé den buachaill cén tainm a bhí air, dúirt an buachaill, "Druid do Bhéal" dúirt an fear "cá bhfuil do Mhúineadh?" Dúirt an buachaill, "Shuas sa chrann ar lorg Trioblóide"

Prionnsias Mac Loinsigh  
An Gleann Mór,  
Bealach Feich.  
Co. Dún na nGall.

Bhí fear ag péinteáil na suíocháin i bpáirc poiblí lá amháin. Tháinig cuairteoir isteach sa pháirc agus shui sé síos ar cheann dena suíocháin. Bhí sé ar mire nuair a chonaic sé go raibh an peint fluich. "Cad chuige nach gcuireann tú "Peint Fluich" ar na suíocháin seo?" ar seisean. "Shin an rud atá mé a dhéanamh" arsa an fear eile.




#### TRASNA

1. Bíonn ceithre rotha faoi.
  5. Cuireann tú ar an doras é san oíche
  6. Ainmí an Bhagúin.
- #### ANUAS
2. Madadh.
  3. - agus tarbh.
  4. Níl sé sean tá sé -.



Clar iníon le Seosamh agus Bean Mhic Aoidh, Gearóid mac le Prionnsias agus Bean Uí Dhuibhir as Sráth Mairtín. Rinne siad an Chéad Chomaoineach le déanaí.




Róisín Ní Dhónaill as Dobhar Lár. Tá sí 11 bliain d' aois agus ag freastal ar Scoil Dhobhair. Fuair sí onoir i scrúdú Pianó (céim) 4) a rinne sí ar na moillimh.



Aoife Ní Fhearraigh, Aois 5 bliana. Tá sí ar scoil na Luinnigh.



Karin agus Greg Priola as Nua Eabhrach atá ar cuairt ar an Luinnigh.



Pádraig Mac Dáid, A. 2  
Scoil Chuimsithe,  
Na Gleanntaí.



# AN BHEAN CHLISTE

Bhí saor ann fadó agus ní raibh aige ach é féin agus a mhac. Lá amháin ar seisean leis an mhac, "nach bhfuil aois do phósta agat?" "Leoga, creidim go bhfuil," arsa an mac, "ach níl dul agam bean a fháil i mo shásamh. Is deacair bean a thoghadh."

"Is fíor duit, a mhic," arsa an tathair, "ach sílim go dtig liomsa bean a thoghadh a fhóireas duit."

"Maith go leor," arsa an mac, "cad é mar thoghadh tu í?"

"Tá," arsa an tathair, "tá domán caorach ansin, tabhair leat chun an aonaigh iad agus díol iad le bean óg."

"Cá mhéad orthu?" arsa an mac.

"Tá," arsa an tathair "bíodh na caoirigh agus a luach chun an bhaile leat."

D' imigh an mac agus na caoirigh leis agus níor stad sé go raibh sé ar an aonach. Tháinig cuid mhór ceannaitheoirí a fhiafraí de cá mhéad a bhí sé a iarraidh ar na caoirigh. Deireadh seisean i gcónaí go gcaithfeadh sé na caoirigh agus an luach a thabhairt chun an bhaile leis chuig an seandúine tráthnóna.

Bhítheas ag gairí faoi agus ag rá nach raibh ann ach cnapán amadán, nó gur tháinig bean óg fhad leis tráthnóna nuair a bhí bunas na ndaoine ar shiúl chun an bhaile.

"Cá mhéad atá tú a iarraidh ar na caoirigh?" ar sise.

"Caithfidh mé na caoirigh agus an luach a bheith chun an bhaile liom," ar seisean.

D' imigh sí agus níorbh fhada gur tháinig sí ar ais agus deimheas léi. Thosaigh sí gur lom sí na caoirigh, cheannaigh sí an ollann agus d' imigh an fear óg chun an bhaile agus na caoirigh leis agus luach na hollna.

"Sin bean a aithneas fear aige, arsa an seandúine, nuair a inseadh dó faoin mhargadh. "Abair léi teacht anseo tráthnóna amárach."

Tháinig. Bhí mála óir ag an seandúine. Thaispean sé di é agus d' fhiafraigh di cad é a barúil dó.

"Tá," ar sise, "gur maith é le chur ina chionn."

"Dhéanfaidh tú gnoithe," arsa an seandúine agus i gceann cupla lá pósadh an lanúin.

Ní raibh siad i bhfad pósta gur tháinig scéala anall as Sasana ag iarraidh ar an saor agus ar a mhac gabhail anonn go ndéanadh siad caisleán do fhear uasal a bhí sa tír sin. D' imigh an bheirt ag tarraingt ar chuan an bháid. Bhí bealach fada rompu.

Níorbh fhada gur shuí an seandúine ar thaobh an bhealaigh. "Tá me turseach" ar seisean, "Ní thig liom a gabhail níos faide gan duine éigin an bealach a ghiorrú dom."

Chuir an mac an tathair ar a dhroim, ag brath a iompar, ach ba ghoirid gur éirigh sé turseach den ualach. D' fhill an bheirt acu chun an bhaile.

"Cad é thug oraibh pilleadh?" arsa an bhean.

"Tá," arsa an fear, "d' iarr mo athair ormsa an bealach a dhéanamh goirid dó. Chuir me ar mo dhroim é - nó níl a fhios agam dóigh ar bith eile leis an bhealach a ghiorrú do dhuine - ach ba ghoirid gur éirigh mé tuirseach a iompar agus b' éigean dúinn pilleadh."

"Dona do dhearcadh," arsa an bhean leis. "Imigí ar ais ar maidin amárach. Nuair a iarrthas d' athair ort an bealach a ghiorrú dó, tarraing ort urscéal agus lean dó go raibh sibh ar an chuan. Ní éireoidh d' athair turseach fhad is bheas sé ag eisteacht leis an scéal."

Ar maidin lá tharna mhárach chuaigh siad a mbeirt i gcionn an bhealaigh an dara huair. Níorbh fhada gur iarr an seandúine ar an mhac an bealach a dhéanamh goirid dó. Thoisigh an mac a scéalaíocht agus shiúl leo go raibh siad ag an chuan agus go deachaigh ar bord.

Rinn siad an caisleán i Sasana agus nuair a bhí sé déanta, ní raibh a leithead eile sa tír. Rinne an fear ar leis é amach na saoir a chur chun báis sa chruth is nach ndéanfadh siad an dara caisleán a bheadh incurtha lena cheann féin. Chuala an seandúine seo.

Sa deireadh tháinig an fear uasal fhad leis. "An ndearn tú aon chaisleán ariamh incurtha leis? ar seisean.

"Cha dearn," arsa an seandúine, "ach san am cheanna níl sé gan locht."

"Cad é an locht atá air?" arsa an fear uasal.

"Seas istigh anseo ag bun an bhalla" arsa an seandúine, "agus tceifidh tú féin é. Tá barr na binne claon beag crochta; níl sé díreach."

"An féidir sin a leigheas?" arsa an fear uasal.

"Ní bheadh moill a leigheas," arsa an saor da mbeadh ball uirlise againn atá agamsa sa bhaile."

"Cad é an rud e?" arsa an fear uasal.

"Cor in aghaidh an cham agus cam in aghaidh an choir is ainm dó," arsa an saor.

"Cuirfidh mé mo ghiolla fá na choinne ar béal maidne," arsa an fear uasal.

"Níl maith ar bith duit ann," arsa an saor, "ní bhfaighidh giolla ar bith é, nó duine ar bith ach mo mhacsa is do mhacsa."

"Maith go leor," arsa an fear uasal, agus diarr sé ar an dá óganach imeacht go hÉirinn fá choinne na huirlise.

Ar theacht go teach an tsaoir dóibh, chuir an bhean fáilte rompu, "ar chríochnaigh sibh an caisleán?" ar sise.

"Chríochnaigh" arsa a céile, ach tá locht amháin air. Chur mo athair anall sinn ag iarraidh ball uirlise a leigheasfadh an locht sin. Ní raibh a fhios agamsa a leithead a bheith ann ar chor ar bith.

"Cá hainm atá ar an bhall ata a dhith air," arsa an bhean.

"Tá," ar seisean, ainm nar chuala mise ariamh." Cor in aghaidh an chaim agus cam in aghaidh an choir.

Sa bhomaite d' aithin sise go rabhthas ag brath feall a imirt orthu.

"Tá sé sa chofra mhór atá thuas anseo sa tseomra," ar sise, agus chuaigh sí suas agus bhain an glas den chofra agus d' fhoscail é.

"Gabh thusa aníos," ar sise le mac an tSasanaigh, "agus tóg aníos ó thóin an chofra é; is tú is faide sna sciatháin."

Aníos le mac an tSasanaigh agus chrom sé síos sa chofra a chuartú na huirlise a shíl sé a

bheith ann. Leis sin féin fuair sise greim dhá chos air agus chaith sí isteach sa chofra é. Dhruid sí clár an chofra agus chuir an glas air.

"Beidh tú ansin, a óganaigh," nó go dtara athair mo chéile slán sábhailte chun an bhaile."

Chuaigh an scéal go Sasana go raibh mac an duine uasal ina phríosúnach in Éirinn, agus ligeadh

a cheann leis an seandúine.

"Bhí a fhios agam go dtuigfeá mo theachtaireacht," ar seisean lena bhanchliabhan nuair a tháinig sé chun an bhaile.

Ansin ligeadh amach an fear a bhí sa chofra agus d' imigh sé go Sasana.

Mairead Anna Ní Ludhog,  
Scoil Chuimsithe,  
Na Gleanntaí.

## MAMAÍ

Tá mo mhamaí-sa lách agus cinéalta agus séimh, 'S bíonn sí go sior ag obair dúinn féin.

Ag niochan 'sag iarnáil 's ag glanadh an tí, Bonaite ní fhaghann sí ó mhaidin go hoíoch!

Tá ar dteachín an-bheag is ar dteaglach an-mhór, Tá mise ann agus Anna, Pádraig, Nóra, Séamas agus Eoin, Agus an cúpla sa chliabhan, ach tá siad an -óg, Deir Mamaí gur cosamhail í, leis an tsean bhean sa bhróg.

Da gcluinteá an callán bhí 'dtoigh sagainne inné, A leitheid de chaoineadh níor chuala tú riamh. Bhí mo mhála-sa cailte is ní chuirteochainn é, Ní iosfadh Máire an brachán, 'sní ólfadh Séamas an tae.

Bhí Pádraig agus Eoin ag troid fá liathróid, 'S bhí Anna ag caoineadh ag iarraidh mílseáin. Mhuscail sí an cúpla as thoisigh siad ag béic, A Dhia arsa Mamaí tabhair thusa dom foighid!

D' oscail sí an doras as diarr orainn bheith amuigh, Ná go dtabharfadh sí an tslat dúinn go trom as go tiugh. Siúd muid uilig ina rith síos an bóthar, 'Sní stad muid go raibh muid ag doras na scoile.

Bhí muid immíoch go leor nuair bhí muid teacht na bhaile ar a trí, Ar eagla go mbeadh Mamaí mí-shásta linn arís. Ach nuair a nocht muid an baile siud chugainn í na rith, As d' fáisc sí gach duine againn le na croí istigh.

An oíche sin nuair a bhí muid sa seomra na luighe, I dtrátha an mhean oíche d' fhoscail an doras go ciúin. Teannadh an téadach orainn as tugadh dúinn póg. Mamaí dar ndóigh sula dteachaidh sí chun suain.

S.A.C.

## Éin na hÉireann



AN SCRÉACHÓG

Carrulus Glandarius

Jay

Éan feiceaileach agus fiú muna bhfeiceann tú é cluinfidh tú é, mar is léir óna ainm éan callánach atá ann fosta. Suaimhníonn sé cuid mháith nuair a bhíonn a nead a thógáil aige.

Tá muid tagtha chuig an éan deireanach de chlann an Phreacháin seachtar ball atá sa teaghlach seo in Éirinn An Cág Cosdearg, An Fiach Dubh, An Fheannóg, An Preachán, An Cág, An Snag Breac agus An Scréachóg.

Fanann an preachán seo dilis don choill. Is fearr leis na crainn sealghiasa agus bíonn siad ag brath cuid mhór sa Gheimhreadh ar dhearcán na Darach. Tchifidh tú an Scréachóg san Fhomhar agus é ag piocadh na ndearcán, imeoidh sé leis an bhia ansin. Tógann sé poll sa talamh agus cuireann sé na dearcáin ann. Nuair a thiochfaidh du-luchair an Gheimhridh beidh a

lón sábhailte. Cuidíonn sé fosta le scabhadh na ndaracha nó ma dhéanann sé dearmad don dearnon fásfaidh sé aníos.

I dtús an Earraigh thig na Scréachógaí le chéile agus caitheann siad tamall ag toiríocht a chéile. Taobh amuigh den Earrach téann an Scréachóg thart ina bpéirí nó ina mbaicle beag.

Seans nach bhfaca tú Scréachóg riamh, níl siad le fáil in iarthar na tíre ná sa tuaisceart ach oiread.

Donn atá an téan den chuid is mó cé go mbíonn barraí gorm ar na heiteogaí agus ag eitilt dó is féidir an tóin geal a fheiceáil.

Seans go leathnoidh a reimse lefas na gcoillte agus go bhfeicfidh muid ag cur faoi thart orainn go fóille.

Tá sé ar an phreachán is dóighla atá againn agus b' fhéidir is minte.

M.O.M.





Foireann Ard-Scoil Mhuire Doirí Beaga (2ú bliain) a léirigh an dráma "Lámh agus Focal" Áine Ní Bhaoill a chum an dráma. (Comórtas drámaíochta idir an Cheard Scoil i Sráth na Corcra agus an Ard-Scoil a bhí ar siúl.

## FOCLAÍ SUIMIÚLA

Tá cuid mhór focal ag sleamhnú amach as gnáth chaint na ndaoine ar na saoltaí deireannacha. Sampla acu seo, focla atá ag baint le caoirí olainn, sníomhachán.

Ní le h-urchoid ar bith a d' imigh siad, ach siocair nach bhfuil caoirí comh fairsing is a bhíodh. Le na chois sin is beag daoine a bhios ag sníomh nó ag fiodaireacht, le taobh mar bhí cupla scór bliain ó shoin.

Ceanaíonn cuid mhaith daoine, giosáin, nó stocaí agus éadaí cniotála eile atá déanta ar inill, sin nó ceanaíonn siad an snáth a snigheadh i muileann le h-ineall nó le gléasraí nua-aimseardha.

Slí níos gaiste agus níos eascaidh é seo, ach cosnaíonn sé níos mó, d' éirigh luach snáth oina 900% le triocha bliain anuas. Tháinig cail eile orainn a bhí go díreach comh h-olc sé sin imeacht na bhfocal Seo samplaí de chuid de na focla nach gcluintear ró-mhinic anois.

Aireamh - sin cuntas no innse scéil. Tá sé ag aireamh go bhfuil céad caorach aige - Tá sé ag radh go bhfuil.

Sean rá da chuid Thoraigh a chuala mé fadó. "Beidh ineadh ar an aireamh aige" sin "Beidh sé gann sa chuntas. Bhí lúchair orm é seo a fheiceáil scríofa i dToraigh na dT-dTonn.

Beathlú - Sin im úr le cuimilt ar olainn.

Ceir - Sin gréis, nó im úr nó ola le cuimilt ar an olainn sul a ndéantar i chardáil le cártáil no cíora garbha chun í a dhéanamh mín.

Dithreabhacn - Sin uan nó caora ag imeacht ina aonar, ar seachrán.

Eiteán - Sin páirt den túirne.

Fearsaid - Sin páirt den túirne. Níl mórán acu ar fáil anois.

Galair scrathach. Sin scamh a thagadh ar dhrom caorach. Nar nigheadh le teacht an tSamhraidh, nó nar baineadh an olainn dí san am cheart. Tá aire níos fearr ag caoirí ar na mall-aibh.

Íneadh - Sin gráinín beag breise snáth a bhíodh de dhith ar bhean cniotála anois is arís le giosán a chríochnú.

Lomairt - Sin an cóta iomlán oina a baineadh do chaora ar teacht an tSamhraidh.

Muileann snáth - an monarca ina ndéantaí snáth nó breidín oina.

Nugadán - Uan dána nó droch mhúinte. Ní bhíodh aon cheann mar seo ach peata uain. Bhí sean ráiteas i nGaoth Dobhair "Ná tógadh aon duine a choice peata," ach bhain sin níos mó le páistí.

Olainn - na caorach a bhí ina abhar saibhris comh mór sin i gCúige Uladh cupla céad bliain ó shoin, go dtug rialtas Shasana isteach tionscal Lín éadaí d' fhonn é mhilleadh.

Peata - Uan a chail la mháthair is a tógadh ar bhuideal.

Séala - An marc a chuir fear ar a chaora féin chun í a aithne.

Túirne - An gléas chun snáth a dhéanamh. Bhí túirne beag ann, agus shuigheadh an te a bhí ag sníomh sios agus bhogfadh sí le na cois é. An té a bhí ag sníomh le túirne mór, b' éigean dó seasamh.

Bhí muintear Thír Chonaill an-

tugtha do' n tsníomhachán. Chonaic mise bean óg ag sníomh i nGleann Glacabhann i gCondae Liathroma. Bhíodh sean daoine ansin ag aireamh gur seilgeadh a sinnsear as Cuige Uladh i n-aimsir Chromail.

Ciaca bhí muintear Liathroma ag sníomhachán sa tsean-am, nó ciaca thug na h-ultaigh an cheird siar leo is deacair a inse anois.

C.N.G.B.

### Saibhreas Gaeilge

Beartha sa teanga' a bheadh duine a labharann go géar fá rudaí. Béim - nó meachán ar obair mhaith. Beochadh - ag beochadh nó ag tógáil trioblaide. Biatachas - tráth bidh. Blandar - nó mealladh. Blár - Fagadh an fear bocht ar blár-gan cúnaimh ar bith. Bligheóg - duine nach bhfuil fearúil. Blindeóg - fir. Níl ann ach sean chailleach. Babaireacht - ag imirt cleas. Bodhman - duine maol-intinneach. Bodhranacht - an lae nó bánú' n lae. Bolgam - bainne nó lán béil.

Bolsaire - de pháistí. Bionn se go sior ag caoineadh.

Bonnachán - ag na páistí. Féast a beag fá choim.

Braichlis - sú na h-eornán i gcóir póitín sul a gcuirtear an deascaidh ann.

Braodar - Nior chuir an obair lá braodair air. Rinne sé é gan mórán saothair.

Brothladh - ar pháistí nó scáirt bhagarthach.

Breast thú' - nó mo náire thú.

Brosna - ag cruinniú brosna sa choill - cipíní beaga i gcóir tine.

Buailteachas - eallaigh sa chnoc. Ar fearach sa tSamhradh.

## Oíche Rann na Feirste san Amharclann

Le linn Éigse Rann na Feirste i mbliana léirigh aisteoirí na háite sin drama i gColáiste Bhríde. Bhain an lucht eisteachta sult mór as an dráma grinn seo atá bunaithe ar an scéal de chuid Mháire "Grást ó Dhia ar Mhicí." Beidh faill ag pobal Ghaoth Dobhair an dráma seo a fheiceáil anois mar beidh aisteoirí Rann na Feirste san Amharclann gan mhoill.

Chuala muid go mbeidh ceoltóirí Rann na Feirste ann an oíche chéanna fosta, agus go ndéanfar an dáta a fhógairt chomh luath agus is féidir.

### IMPASSE

Éiríonn an saol níos gaiste agus níos gaiste, Mar chloch ag titim le fána, an gliondar, an tsaoirse. Éiríonn an ceol níos airde agus níos airde, Ach tá mé buailte agus sáraithe, an téadóchas an daoirse.

Ba mhaith liom teitheimh níos faide agus níos faide, Mar dhúnmharfóiragus luach ar mo cheann an cinneadh, an mian Lónann an ceol mo chluasa, an rithim, an rithim, Ach tá mé i gcoirnéal, an brón an phian.

DEV.

Is mian le dearthair agus deirfiuracha Mhánuis Uí Fhearraig, California agus Bun na Leaca, a mbuíochoas a ghabháil le gach duine a rinne comhbhrón leo agus a chuir cáird Aifrinn agus litreacha comhbhróin chucu. Oifráilfear Aifreann ar a son.



# Thiar i nGleann Ceo

AR LEANSTAN

Nuair a thug Séimín fá deara go raibh sé ag teacht cón-garach don hocht a chlog bhain sé searradh breá as féin sula n-éiríodh sé ar a bhoinn. Ar an nóiméad sin cad é a chuala sé ach mótar-rothar ag teacht aníos leis an dúchleatar sin chun na sráide. Bhain an cleatar céanna sin an croí as mo dhuine bocht. Léim sé ina sheasamh, agus thug an rása sin chun na fuinneoige. Bhí an rothar ina sheasamh taobh amuigh de shiopa Eoin, an t-inneall stoptha agus diúlach caol ard sa diallait. Bhí cóta mór air, péire de bhróga láidre air, miotóga leathair air agus bairéad mianachóra a raibh lampa beag ola i bhfostú sa tosach aige ann, os cionn an phice.

“M'anam gurb é Marcas, an buachaill, atá ann!” arsa Séimín. “Aníos as Inis Colmán ar bhuille a hocht!”

“Amach leat i gceann do ghnóthaí!” arsa Síle. “Amach leat, a deirim, sula síle sé sin gur i do luí ar do leaba a tháinig sé ort ar maidin!”

“Muire, chan i do chodladh a bhíonn tusa ar maidin, a dhuine uasail,” arsa Séimín, nuair a tháinig sé a fhad le Marcas agus é sin ag fágáil a rothair ag tóin theach Eoin.

Rinne Marcas gáire tíriúil, agus é ag tarraingt de a chuid miotóg. Bhí culaith oibre air os cionn a chuid éadaigh, culaith a bhí smolchaite aige i mianacha domhaine na hAlban.

“Deirtear go scuabann an scuab úr go glan, a Shéimín,” ar seisean. “Níl inti seo ach an chéad mhaidin dom, tá a fhios agat; agus bhí mé lánchinnte go mbéarfainn i do chodladh ort!”

Dar le Séimín gurbh fhearr dó labhairt ar a shon féin, ar eagla na heagla.

“Tá mé i mo stiúrthóir faoi thalamh ag d'athair le fiche bliain, a dhuine uasail,” ar seisean, “agus i rith an ama sin, char beireadh sa teach orm i ndiaidh a hocht a chlog ar maidin aon lá dá raibh obair sa mhianach sin ansin; agus lena chois sin, a dhuine uasail, char beireadh riamh as láthair orm ach seachtain amháin ab éigean dom a chaitheamh i mo luí. Inseoidh duine ar bith sin duit, a dhuine uasail.”

“Seachtain amháin tinnis i bhfiche bliain!” arsa Marcas, agus iad ag spaisteoireacht leo anonn a fhad le súil an mhianaigh. “M'anam go gcaithfidh sé go bhfuil tú chomh folláin le fia. An bhfuil dochar a fhiafraí díot cad é a bhí ag caitheamh ort an seachtain sin?”

“Ba é rud a buaileadh mé, a dhuine uasail,” ar seisean.

“Faoi thalamh, an ea?”

“Faoi thalamh, a dhuine uasail. Tá an boc a rinne é i Meiriceá leis na blianta. D'imigh sé gan mhoill i ndiaidh a theacht amach as an phríosún. Ní bhfaigheadh sé obair ar bith sa mhianach seo ní ba mhó.”

“Go díreach!” arsa Marcas, agus é ag coimhcad na ndrithleog as teach an innill ag imeacht ar mhuintir na gaoithe. “Cad é an phríosúntacht a cuireadh air?”

“Trí mhí, a dhuine uasail; agus chan leath go leor a fuair an blaigeard. Eisean a d'fhág an mant seo i mo chár—sin lorg a láimhe, a dhuine uasail.”

“Lena dhoirne a rinne sé é, an ea?”

“Lena dhoirne, an crochadóir. Ní fheicfeá súil ná béal ionam, a dhuine uasail. Bhí mé dearg i mo chuid fola nuair a tugadh amach anseo mé.”

“Agus cad é tháinig eadraibh?”

“Níorbh fhiú biorán ar dhúirt mé leis. Bhí sé ag gearán fá dhrochaer agus fá bhealaí ísle; agus ba é an freagra a thug mise air go raibh gach aon fhear eile chomh maith leis-sean ag obair i ndrochaer agus ag bogadaigh amach is isteach tríd bhealaí ísle, agus mura raibh sé sásta leis sin go raibh cead aige siúl leis amach. Sin anois ar dhúirt mise leis, a dhuine uasail agus, ar ndóigh, deirtear a leithéid sin go minic le cuid acu fán mhianach seo. Ní raibh an dara focal ann gur chnag sé mé. Sin anois agat an cineál boc a chastar orainn fán mhianach seo, corruair. Tá cuid acu, a dhuine uasail—agus cuid mhaith acu, fosta—nach bhfuil lá buíochais acu ar an duine uasal atá ag cur a leithéid de shaothrú ina gcosán, istigh i mbéal an dorais acu. Dheamhan gur drochmheas a bhíonn acu ormsa, leath an ama, agus mé ag iarraidh a bheith ag tabhairt gach aon seans dá dtig liom dóibh. Ach nach sin mar a bhíonn an tÉireannach i gcónaí, a dhuine uasail; gan meas madaidh aige ar an obair atá le fáil aige ina thír féin; ach é ina bhuachaill bhreá mhúinte, agus a dhá shúil á gcur taobh amach dá chloigeann aige le tréan dúthrachta, nuair a théann sé i measc na gcoimhthíoch.”

Bhí Marcas Mac Alastair ag tabhairt cluaise don chaint seo; ach cé go dtug sé iomlán a brí leis, níorbh uirthi go hiomlán a bhí a aire. Bhí sé ina sheasamh taobh amuigh de shúil an mhianaigh; a dhá lámh i ngreim a chéile ar chúl a chinn aige; cába a chóta mhóir tiontaíthe suas fána chluasa aige; an ghaoth mhór chóir a bheith ag baint na hanála de, corruair; agus é ag coimhcad na mianachóirí ag teacht chuige ina mbeirteanna is ina dtriúranna agus, anois is arís, ina gcorrdhuine. Bhí cuid mhaith acu ina bhfeara móra, feathógacha, agus craiceann folláin orthu. Ba bheag duine acu a dtug sé fá deara an dreach tláith sin air a chonaic sé ar chuid mhór de na mianachóirí in Albain. Glanaer na sliabh ba chúis leis sin, dar leis. Ba mhinic a chuala sé nár ghnách le mianachóirí saol fada a thabhairt leo. Ach bhí

seanmhianachóirí i gceann piocóide anseo agus iad suas le deich ríblana agus trí scór; agus, de réir mar bhíodh daoine ag inse dó, bhí ní ba mhó ná aon seandhuine amháin fá na malaí a chaith an mhórchuid dá saol ag obair faoi thalamh, agus a bhí ag gabháil thart go bagánta go fóill agus gan iad mórán blianta ón chéad. Rud eile a thug sé fá deara, nach raibh aon fhear de na feara seo a dtiocfadh leat marlachán a thabhairt air; agus nuair a thug sé a shúil thart ar na malaí crochta ar leor d'fhear ar bith iad a shiúl suas nó anuas, gan trácht ar a bheatha a bhaint astu, nuair a d'amharc sé air sin an mhaidin gheimhridh seo, ba é an rud a dúirt sé leis féin gur thrua, agus gur róthrua, an té ar fhág an Cruthaitheoir ina mharlachán é fá Ghleann Ceo. Thug corrfhear acu umhlú cinn dó, ag gabháil thairis dóibh, umhlú a raibh a lánbharráiocht den umhlaíocht ann, dar leis féin. Thug cuid eile acu spleáchadh beag air a raibh cineál d'eagla ann, agus bhain isteach amach le luas. Bhí gasúir ina measc nach dtiocfadh dóibh a bheith baol ar na ceithre bliana déag. Tháinig beirt acu i gcuideachta a chéile agus a n-aghaidheanna dúghorm leis an fhuacht. Cosúil leis an mhórchuid dá bhfaca sé ag gabháil thairis isteach, bhí éadach na ngasúr seo iontach bratógach. Do ghasúir dá n-aois, bhí siad i bhfad róspadánta ar a gcoiscéim. Bhí péire caolchoinneal, buidéal tae agus beairtín beag aráin le gach aon fhear acu i bpócaí a chasóige, agus ba dhomhain a bhí a lámha sáite acu i bpócaí a mbristí.

“Altú do Dhia go bhfuilimid ag imeacht isteach as an fhuacht,” arsa an fear acu ba lú brí, agus an bheirt ag éalú leo isteach siar sa dorchadas.

Thug Marcas ruaig ar theach an innill gur bhreathnaigh sé an sásalach a bhí san áit sin. Bhí rópa cruach ag gabháil as teach an innill isteach i súil an mhianaigh agus ag rith idir ráillí an príomhbhealaigh corradh maith le dhá thrian de mhíle isteach faoin tsiabh. Ba é seo an rópa a tharraingeadh amach na boscaí ina sraite agus iad fá mhaoil le gual.

“Rachaimid isteach, a Shéimín,” ar seisean, ag caitheamh de a chóta mhóir agus á chrochadh ar chúl dhoras theach an innill. “Ní raibh mé istigh ann ach aon uair amháin riamh, agus bhí mé chomh beag an uair sin agus go bhfuil cuimhne cailte agam air anois, féadaim a rá.”

Bhog an bheirt leo isteach. Níorbh fhada a chuaigh siad taobh istigh den tsúil gur chaill siad solas an lae agus gur fágadh sa dorchadas iad. Ach las Marcas a lampa mianaigh agus rinne Séimín amhlaidh le lampa beag ola a bhí ina lámh leis. Tháinig leo siúl díreach chun tosaigh go raibh siad leathchéad slat, nó mar sin, isteach; ach taobh istigh de sin, b'éigean dóibh a gcinn a chromadh de réir a chéile go dtí go dtáinig siad a fhad le háit sa deireadh a thug orthu a ghabháil ar a gcosa is ar a lámha ar feadh tamaill. Nuair a bhí siad leath bealaigh isteach chuala siad tormán na mboscaí ag tarraingt orthu amach mar bheadh toirneach ann a bheadh ag ardú a glóir de réir a chéile, go dtí go dtáinig an solas ar amharc fá ghiota dóibh sa deireadh. Bhí fear na mboscaí ina luí ar a bhéal is ar a shrón ar charrán bheag ar tosch agus gach aon scairt cheoil aige. Theann Marcas agus Séimín isteach le taobh an bhealaigh gur lig siad ró fada na mboscaí thart; agus le saothar mór a chrap siad iad féin isteach as an chosán a oiread agus go dtáinig leis na boscaí a ghabháil tharstu gan na cnámha a ghortú acu.

“Caithfidh sé go raibh an púdar diabhalta gann nuair a bhíothas ag déanamh an bhealaigh seo,” arsa Marcas.

Rinne Séimín gáire beag.

“Tá áiteacha níos cúinge ná seo fán pholl seo, a dhuine uasail,” ar seisean.

Rud ab fhíor dó. Óir nuair a chuaigh Marcas isteach giota eile agus chor sé isteach i ggraobh-bhealach, chonaic sé rudaí a chuir iontas agus náire agus fearg air. Agus cha raibh aon chraobh-bhealach dár chuir sé a cheann isteach ann nach bhfacthas dó é bheith dhá uair ní ba mheasa ná an ceann a raibh sé i ndiaidh a theacht amach as. Fear a mbeadh méid mheasartha ar bith ann, ní raibh aon dóigh aige le bogadh tríd na bealaí seo ach ar a cheithre boinn. An fear nach ndéanfadh an lámhacán, scéal cinnte gur á thochas féin a bheadh sé roimh mhórán ama. Ní bheadh a fhios agat cén uair a scoilteá clár d'éadain ar na goba cloiche a bhí crochta os dóichionn. Agus, mura ndéanfá sin, chuirfeá do ghualainn as a háit, sin nó stiallfá an craiceann is an fheoil de do dhroim. Gasúir ba mhó a bhí ag brú na mboscaí guail amach rompu tríd na bealaí seo, nó “ag tarraingt,” mar thugtaí air fán mhianach. Na gasúir a bhí seanchleachta leis an obair, bhí siad coimhcadach go leor fá dtaobh díobh féin, óir bhíodh a gcoirp sínte chomh híseal leis na ráillí acu agus iad ag brú agus ag dingeadh suas fána agus síos fána, agus an t-allas ag rith. Ach iadsan nach raibh mórán eolais acu ar an mhianach, bhí siad i dtólamh á ngortú féin. Tháinig Marcas ar fhear de na gasúir seo agus é ina shuí ar na ráillí ar chúl a bhosca agus é ag gol go géar, goirt. Bhí rothaí tosaigh an bhosca i ndiaidh titim de na ráillí agus ní raibh bealach amach aige thairis lena chur i gceart. Cibé útamáil a bhí ar an duine bhocht, bhí a sciatháin bheaga loma feannta go feoil aige in áiteacha agus iad ag cur fola. Ba thrua an feic an duine gránna, ina shuí ansin fá éadóchas, giota de

le Tadhg Ó Rabhartaigh

chaolchoinneal sáite i gceann dóibe ina chrág aige; na deora ag rith anuas lena ghruanna a bhí dubh daite ag dusta an ghuail; agus a bhosca guail ina luí ansin agus gan áit aige le bogadh a bhaint as, go dubh ná go bán.

Ba é rud a rinne Séimín Bán gáire faoi.

“Dar fia!” ar seisean. “Is deas an fear thusa. I do shuí ansin mar bheadh seanchailleach ann, in áit an bosca sin a tharraingt chugat féin agus é a chur i gceart arís. Is mór an náire duit é, a rún!”

Ag críochnú na cainte seo do Shéimín chóir, thug sé a aghaidh thart ar Mharcas mar bheadh sé ag dúil leis an fhear sin labhairt ar aon nós leis féin. Gnúis a bhí rite le míshásamh a fuair sé ar Mharcas agus é ina shuí ansin ar a ghogaide idir na ráillí agus gan smid as.

Dar le Séimín: “Is é an bóthar atá i ndán don ghasúr seo, agus is maith an airí air é.” Ach nuair a chonaic sé an máistir óg ag gabháil ar a ghlúine agus ag cur an bhosca ar na ráillí, ní raibh ann ach nár chaill sé an anáil. Tháinig broideadh ar gach aon ribe dá chroméal bheag le tréan iontais. Níor fágadh focal sa duine bhocht. Agus níor dhúirt an máistir óg aon fhocal leis, go dubh ná go bán. Ar an ghasúr a bhí iomlán a airesean.

“Bog leat amach le do chuid guail, ar do shuaimhneas,” ar seisean, “agus má théann do bhosca de na ráillí arís, ná caill do dhóchas ar an dóigh sin, a dhuine. Suigh ar do shuaimhneas ar a chúl go dtaga duine éigin le cabhair ort. Agus, ar scor ar bith, ní fada go raibh neart fairsinge agat le do bhosca a chur ar ais ar na ráillí fá na bealaí seo. Imigh leat anois.”

Dar le Séimín: “Ní stadfaidh an diúlach seo go bhfága sé gach aon chraobh-bhealach sa mhianach chomh fairsing le príomhbhealach”—rud a raibh sé cinnte de nuair a chuaigh siad isteach de chóir bhalla an ghuail agus tháinig siad ar lucht na bruiseála. Ba iadsan an dream arbh é a ngnó na bealaí a thochailt, de réir a chéile, sna sála ag lucht bhainte an ghuail.

“A fheara breátha,” arsa Marcas, agus é ar a ghogaide i lár an bhealaigh, “an do choiníní atá sibh ag déanamh na mbealach seo?”

Thug cúpla duine acu spleáchadh ar Shéimín agus, ar ndóigh, thug Marcas a aghaidh thart air chomh maith le duine.

“Creidim gur uaitse a fuair siad ordú na bealaí seo a fhágáil chomh cúng is atá siad, a Shéimín?” ar seisean.

“Is fíor sin, a dhuine uasail,” arsa mo Shéimín gránna. “Ach ní shílím gur cóir a bheith ina dhiaidh orm. Ní dhearna mise ach an rud a hiarradh orm.”

“Bhuel, déan mar iarrfaidh mise ort uaidh seo amach. Gabh thart anois de chois bhalla an ghuail agus tabhair leat amach gach aon fhear piocóide dá bhfuil ann. Cruinnigh na tarraingteoirí, fosta, agus gabhadh an t-iomlán díreach acu—gach aon fhear sa mhianach—amach a fhad leis an chéad áit a dtig ar dhuine a cheann a chromadh taobh istigh den tsúil; agus tosaíodh siad a thochailt rompu. Fágadh siad an príomhbhealach sin sé troithe ar airde agus sé troithe ar leithead. Tosaíodh siad ansin ar na craobh-bhealaí agus déanadh siad mar an gcéanna le gach aon cheann acu dá bhfuil in úsáid anois. Déanadh siad sin, a Shéimín; agus dá mbaineadh sé bliain druidte astu, ní bhainfead aon unsa guail fá seo go raibh sé déanta, agus déanta i gceart. Anois, a Shéimín, bí ar obair, a chailleach. Díolfar gach aon fhear agus gach aon ghasúr de réir an lae, go bpille siad arís ionsar a gcuid seanáiteacha.”

“Maith go leor, a dhuine uasail,” arsa Séimín, ag cur aobhe ar a ghnúis nach raibh ar a chroí, agus bhog sé leis ar a cheithre boinn chomh maith is tháinig leis, isteach uathu sa dorchadas, san áit nach raibh bealach ar bith ach an spás folamh a bhí idir an dá shraith charraige ar baineadh an gual as a ngreim teann. Istigh ansin a bhí balla an ghuail, agus fir chrua á ionsaí le piocóidí.

“An gcluinn tú mé, a ghiolla seo?” arsa Séimín, ag sáthadh a chinn isteach idir dhá chrann taca.

“Cad é sin?” arsa an glór toll istigh.

“Fág uait an tochailt agus cuir scéala ó dhuine go duine, soir agus siar de chois an bhalla, go gcaithfidh siad a bheith de léim amuigh chomh tiubh is thig leo. Abair leo súil an phoill a bhaint amach ar a ndícheall.”

Neach a raibh aghaidh dhubb air, fiacla geala agus brollach foscaite a raibh fionnadh air, tháinig sé amach aniar as an dorchadas le solas cionnle.

“In ainm Dé, an a dhath atá contráilte?” arsa an glór toll.

“Is é a bhfuil contráilte,” arsa Séimín, “gurb é ordú an mháistir óig go gcaithfidh gach aon fhear, beag is mór, a bheith amuigh ag súil an phoill ar an dá luas.”

D'imigh an choinneal agus an aghaidh siar arís as amharc.



# SCOLTACHA

Is cuma cé acu 'scoltacha', na 'scoileanna' a bheir tú orthu. 'Scoileanna' an focal caighdeánach ach 'Scoltacha' atá dúchasach anseo. Biodh do rogha agat.

Ar scor ar bith tá cuid mhór cainte fá dtaobh daofa - scoltacha d'achan chinéal, ach go mór mhór le tamall anois tá am 'Scoil Lán-Ghaelach' agus an 'scoil dá theangach' go mór i mbéal an phobail agus b'fhéidir nar mhiste cupla focal a rá le cur leis an méid atá raite cheana féin.

An Scoil Lán-Ghaelach.

Tá achán tuismitheoir sa Ghaeltacht eolach go maith ar an chinéal seo scoile, mar tá na bun-scoltacha uilig ansin Lán-Ghaelach -

(1) Sí an Ghaeilge teanga na Scoile agus

(2) go ginearalta múintear na habhair uilig as Gaeilge taobh amuigh den Bhéarla ar ndóigh. Tá an Béarla ina ábhar an-tabhachtach sa scoil Lán-Ghaelach. Leoga is minic a deirtear gur cruinne an Béarla a dhátaí Gaeltachta na ag dá a dtógadh le Béarla.

Thar a g iarraidh Scoil Iar-Bhuidéachais Lán-Ghaelach don Ghaeltacht anois - Scoil Phobail. Sílfeá nach mbeadh feidhm iarraidh ann - nach é an rud nádúra é - páistí na Gaeltachta leanúint ar

aghaidh le na gcuid oideachais ins an teanga a bhfuair siad a gcuid bunoidéachais. Agus san am cheanna staidear nios doimhne dhéanamh ar an Bhéarla. An Scoil Dá-Theangach.

Má bhíonn cuid de na daltaí as an Ghaeltacht agus cuid as an Ghalltacht beidh an Scoil Dá-Theangach is doiche

(1) beidh cuid ag labhairt in Gaeilge agus cuid i mBéarla agus (2) beidh an dá theanga a n-úsáid sa teagasc. Tá an Béarla nios treise ná an Ghaeilge agus ní bheadh i bhfad go mbeadh lámh an uachtair aige i scoil mar seo dearfainn. Bheadh contúirt mhór ann gur 'Scoil Lán-Bhéarla' a bheadh inti amach anseo. Buille trom in éadan na teangan agus na Gaeltachta bheadh ina leitheid.

Ar ndóigh mas cuma fá'n teanga agus fá'n 'Ghaeltacht is cuma fá'n chinéal scoile a bheas ann.

Ach tá mé ag déanamh go bhfuil cuid mhaith beo go fóill, agus furchóir mhuintir na Gaeltachta orthu sin, gur cúis leo an dúchas as ar faisceadh iad, agus a thuigeann go bhfuil oideachas a gcuid páistí fíor-thabhachtach i múnla an náisiúin Ghaelaigh.

'OIDE'

# Cloich Cheanntaola

Tá an méadú dhá acra a cuireadh leis an ionad Trátaí i nGort an Chóirce reidh. Tá os cionn sé acra faoi ghloine anois. Seo an méad is mó talaimh atá a úsáid le haghaidh gnoithe garraíodóireachta i dTír Chonaill.

Cuireadh tús le seirbhís Healachaptair idir Tír Mór agus Oileán Thoraí. Siocair seirbhís na mbad a bheith ag brath ar an aimsir táthar ag súil go mbeidh an Healachaptar ábalta an turas a dhéanamh fiú sa doineann. Beidh an tseirbhís ina chuidiú do thionscail na turasoireachta ar an oileán.

Bhí cuid de phictiúirí Peatsáí Dan Mhic Ruairi ar thaispeaint le linn Féile Muir-iascaireachta na nDúnaibh ar na mallaibh. Bhí na pictiúirí le feiceáil in Óstán na Trá. Tá baint ag an phéintéireacht le cúrsaí an oileáin go fiú go bhfuil an Healachaptar a bheireann daoine de chuid an tí solais chun an oileáin le feiceáil sna pictiúir. Tá Healachaptar tarrthála le feiceáil fosta.

Tá sé 29 blian d'aois agus tá sé féinoilte ná ní bhfuair sé oiliúnt acadúil ar bith ariamh. Ní chuireann seo isteach ar a chuid ealíona ar chor ar bith ar ndóigh ná is ealíontóir ó nádúir é. Oibreann sé go cruai - rud atá le feiceáil ina chuid pictiúirí.

Guíonn muid gach rath ar san am atá le theacht.

Ba mhillteanach an taisme gluaistean a tharla oíche Shathairn an 30ú Meitheamh, ar an bhealach mór idir an Fál Carrach agus Gort a Choirce. Bhi Séamus Ó Dúgáin as Ardaí Mór ag tiomaint na bhaile nuair a tharla iombhualadh idir é féin agus carr eile. Gortaíodh Séamus go holc. Tháinig sagart na Paróiste ar an láthair chomh gasta agus thioctadh leis agus chuir an óla dhéannach ar Shéamus bocht. Tugadh go dtí an Otharlann i Leitirceanainn é fuair sé bás ar an bhealach.

Fágann Séamus bean, seisear iníon agus mac amháin ina dhiaidh. Léadh Aifreann na marbh dó in Eaglais Chríost Rí, Ghort a Choirce, ar an gCeadaoin agus cuireadh ina dhiaidh sin i reilig Mhuire. Ba mhaith linn comhbhrón a dhéanamh le na bhean a chuid páistí agus lena dheirfiúr ina mbris.

# SEOSAMH MAC FHIONLAOICH

Bhí brón mór ar phobal Ghort a Choirce fá bhás tobann Sheosaimh Mhic Fhionlaoich as an Ardaí Bheag. Bhí aithne mhór air ar fud na tíre agus bhí meas ag achán dhuine air.

Bhí suim mhór aige sa pheil Ghaelach. Gnitéar comhbhrón lena bhean Máire agus lena chlann.

Thug an tAire Oideachais le fios don Uasal Pádraig Ó hAirt gur tionoladh cruinniú cheana féin de Choiste Riaracháin na Pobal-Scoile ar an Fhál Carrach.

Tá socraithe déanta le príomhoide a cheapadh. Beidh an scoil á reachtáil go dtí go mbeidh an foirmeamh úr reidh sa Ghairm Scoil i nGort an Choirce agus Coláiste na Croise Naofa, ar an Fhál Carrach. Tá súil ag an tógáil an scoil a bheith reidh aige i Márta na bliana seo chugainn.

# CRAOSLOCH

Druideadh an mhonarcha adhmaid sna hAird le goirid, chaill dhá scór fear a bpostanna. Tháinig an nuacht aniar aduaidh ar na hoibreannaí nó creideadh go raibh maith faoin ghnó. Níor éistíodh ráiteas oifigiúil go fóill rud atá doiligh a thuighbheáil.

Ba chóir go mbeadh fios ag an lucht oibre cad tuige nach dtig iad a choinneáil fostaithe. Tá sé doiligh chreidmheáil go mbeadh gléasra agus cailiochtaí fear a dhul amú go speisialta nuair atá beo na bhfear ag bláth ar an tionscal seo.

Tá an comharchumann a chóir iú sa am i lathair. Cuidfidh seo go mór le hamharc na sraide. Is dóigh nach bréag ar bith é ará go bhfuil an bealach mór fríd an Chraosloch i ndrochstad. Caithfidh nach bhfuil sráid-bhaile ar bith eile sa chontae nó go fiú sa Tír ina bhfuil rudaí chomh holc. Cuireann an drochbhail seo as go mór don trácht fríd an bhaile agus go fiú go bhfagann sé leis ce ar dhaoine stopadh san áit.

Déanann pobal na Paróiste comhghairdeas leis an tSagart óg An tAthair Sean Ó Dochartaigh a oirmíodh le goirid san Ard-Eaglais i Leitir Ceanainn.

# Féile na Rosann '73

Beidh Féile na Rosann á reachtáil in Anagaire on 14ú - 22ú Iúil. Seo leanas na himeachtaí a bheas ann:

Dé Sathairn 14ú.

Rásaí Stoc-Charr  
Duaiseanna Airgid agus Trófaí.

Dé Domhnaigh 15ú.

Comórtas agus mórshiúl buionta ceoil na bpáistí.  
Branntar Cloróin "Fíorghlan" agus duais airgid.

Dé Luain 16ú.

Aeríocht  
Tóraíocht Taisce

Dé Mairt 17ú

Aeríocht agus Céilí Mór  
Coláiste Anagaire.

Dé Ceadaoine 18ú.

Rása Siúil  
Droichead Chroichshlí

Diardaoin 19ú.

Oíche na Teiní Chramha

Dé hAoine 20ú.

Bréag éadach na bpáistí.  
Céilí i Rann na Feirste.

Dé Sathairn 21ú

Comórtas Iascaireachta.  
Loch an Iúir  
2ú Babh 7-gach taobh

Dé Domhnaigh 22ú.

Comórtas buionta ceoil sinsear  
Cluichí ceannais 7-gach taobh.

# CURSA EALAÍONA I RANN NA FEIRSTE

As Rann na Feirste Cathal Mac Fhionnlaoich. Tá se ina chonai le ta,all i Leitirceanainn ach níor chaill se suim ariamh ina bhaile dhuchais. Nuair a hiarradh air comhairle a chuir ar dhaoine oga a bhfuil duil acu san ealaíon d'aontaigh se ar an bhomaite. Tá se le bheith i Rann na Feirste ar an Satharn agus an Domhnach 14u agus 15u Iúil agus beidh failte roimh gasur no girseach Gaeltacht. ar bith theacht ag eisteacht lena leachtaí. Beidh seans acu pictiúirí a phaintail faoi'n a stiúir ar an da la. Smaoineamh maith e seo dar linn agus ta suil againn go neireochaidh leis an iarracht.

# BUÍON CEOIL PÁISTÍ GHAOTH DOBHAIR





# Cúrsaí Spóirt

## Tuairisc Pheigi Rose

ar

Gaoth Dobhair - - - 2-10

Naomh Naul - - - 1-1

Mhínigh mé cheana go raibh iarracht a dhéanamh peil Gaelach idir Chlubanna a chur ar a bhonna sa chontae. Tá dhá shraith a reachtáil. Lena chois sin tá an 'Championship' nó an chraobh ann, ar ndóigh. Tá craobh sinsir agus craobh sóisir ann. Dhá fhoireann déag atá sa chraobh sinsir - Gaoth Dobhair, Cill Charthaigh, Ruairí Mac Easmainn, Seán Mac Cumhaill, Naomh Adhamhnain, Na Gleanntaí, Na Ceithre Maistrí, Ruagairí na Rosann (imríonn na fóirne sin uilig i sraith a haon), Naomh Naul, Ard an Ratha, Inis Eoghain (imríonn an triúr sin i sraith a dó) agus Naomh Iosef (cumasc de dhá fhoireann as sraith a dó, Bun Dobhráin agus Béal Átha Seanaidh). Tá trí fóirne as sraith a haon ag imirt sa chraobh sóisir - An Fál Carrach, Dún Fionnachaidh agus an Tearmann. Lena gcois sin tá Gleann Cholm Cille, Na Cealla Beaga, na Ceithre Maistrí 'B', Uiris, Burt, Gaoth Dobhair 'B', Bun Dobhráin, Béal Átha Seanaidh, Naomh Adhamhnain 'B', Conmhaigh, Paiteagó, Seán Mac Cumhaill 'B' agus Caisleán na Finne i gcrabhbh na sóisear. Córas dhá - 'Leg' (no dhá - chluiche) atá sa chéad bhabhta de chraobh na sinsear. Cuirtear ar chrannaibh é. Ba é toradh an chrannchuir go raibh Gaoth Dobhair agus Naomh Naul ag imirt i néadán a chéile, Cluiche i nGaoth Dobhair agus cluiche i Moin Séarlas. Má bhaineann foireann an dá chluiche téann siad ar aghaidh. Má bhaineann siad ceann agus comhscór a fháil sa cheann eile téann siad ar aghaidh. Má bhaineann siad ceann agus an ceann eile a chailleadh nó más dhá chomhscór a bhíonn ann bíonn athimirt ann. Ar scor ar bhí téann sé fóirne ar aghaidh. Imritear dhá chluiche eile ansin i gcruth is go mbeidh ceathrar fágtha sna cluichí leathcheannais. Ní thuigim i gceart cad chuige a bhfuil Bun Dobhráin agus Béal Átha Seanaidh le chéile mar aon fhoireann. Ní thuigim ná ní aontaim. Is cosúil go bhfuil barraíocht de chead a gcinn ag boic sa taobh sin tíre. Scéal fada é.

Imríonn Gaoth Dobhair a gcuid cluichí ar léana gainmheach Machaire Gáthláin. B' ansin a d'imir siad Naomh Naul ar an 17ú lá de Mheitheamh. Tá an cuntas seo a scríobh ar an fichiú lá. Bhí siad le Naomh Naul a imirt i Moin Séar-

las coicis roimhré ach bhí siad sa Cheathrú Rua an deireadh seachtaine sin agus himríodh an dara cluiche roimh an chéad chluiche! Ní raibh gléas orm a bheith go Gaillimh leo. D'eist mé go dúrachtach le Radió na Gaeltachta. Is cosúil go raibh rogha agus togha na nGaeltachtaí eile ina néadán agus go ndearna siad scoith gnó. D'fhead siad, d'réir an Radió, an cluiche ceannais a bheith bainte acu sa chéad leath.

Ar leath i ndiaidh a trí a bhí an cluiche le tosú. Bhí mé féin ansin ar deich mbomaite i ndiaidh a trí. Bhí stocach beag thuas ar ghualainn Joe Mhánaís Fheargail agus Éamonn Eoghain ag síneadh na neangach chuige lena gcur suas. Tá páirc mhaith go leor i Machaire Gáthláin. Taoscadh í cupla bliain ó shin. Tá caint ahois ar ionad úr caitheamh aimsire a thógáil. Bhí gaoth bheag ghéar ag seideadh trasna na páirce. Bhí scamail liatha os ceann na hAireagala agus na gcnoc gruama eile ach bhí an spéir gorm amach os ceann na mara. Bhí an pháirc tirim, í breactha le nóiníní. Tháinig foireann Naomh Naul ar an pháirc dhá bhomaite i ndiaidh an leathuair. Bhí an reiteoir, Deasún Ó Ceallaigh, ar an pháirc ag an am sin fosta. Tháinig bunas fhoireann Gaoth Dobhair dhá bhomaite ina dhiaidh sin. Thosaigh an cluiche ar 3.46.

Is as na Frasa agus Moin Séarlas foireann Naomh Naul. Ní fhaca mise ag imirt i Machaire Gáthláin cheana iad. De ghnath imríonn siad sa chraobh sóisir agus nascann siad lena Ceithre Maistrí sa chraobh sinsir (faoin ainm Clanna Gael). Ach anuraidh bhain siad an chraobh sóisir agus b' éigean dóibh imirt sa chraobh sinsir i mbliana. Ní raibh aithne (súlfíú amháin) agam ar aonduine acu. Dearg agus bán a ndathanna; cuid acu agus geansaí bhán orthu agus stríoc dhearg trína lár; an chuid eile agus geansaithe de stríocacha dearg agus bán orthu. Ní hé go bhfuil sé tabhachtach ach ó thaobh na haestaitice de. . . . Agus ar ndóigh is é amaitéarachas eifeachtach mo mhanadh. Gaoth Dobhair sa ghlás. An Reilig ar chul Gaoth Dobhair sa chéad leath.

Cluiche aontaobhach. Dhá bhomaite a bhí imithe nuair a rinneadh calaois ar Neilly Jimmy John (Ó Gallchóir). Fuair sé féin pointe on tsaorchic. Ceithre bhomaite - buaifeadh an liathroid amach



go holc agus fuair Pádraig Ó Brisleáin pointe easca. Ní raibh an imirt maith agus ní raibh de phléisiúr ann ach Neilly. Gortaíodh fear dena Naulaigh i ndiaidh cúig bhomaite agus b' éigean dó an pháirc a fhágáil. Bhí fiche bhomaite de dhrochimirt againn ansin - drochbhreith, drochphasáil drochchiceáil, drochaimsiú. Bhí an gaoth a mhilleadh. Glacadh ainmneacha Phádraig Uí Bhrisleáin agus Phádraig Mhac Giolla Bhríde i ndiaidh fiche bhomaite re gur calaoiseanna neamhurchoideacha go leor a rinne siad. Bhí dhá bhomaite is fiche imithe nuair a chuir Míchéál Mhicí (Ó Gallchóir) an ball chuig Pádraig Ó Brisleáin, chuir seisean speach ard isteach go béal an chuil agus chuir dorn an chléirigh bainc, Liam Ó Beirn, san eangach é. Ceithre bhomaite ina dhiaidh sin fuair seisean pointe breá ón choirneal. Fuair Peadar Ó Brisleáin pointe tipiciúil dhá bhomaite roimh leathama - cic mhór Ar an leathuair fuair Séamus Phaddy Rosie (Mac Gairbheith) pointe ó 30 slat i ndiaidh cúig phas. Leathama - 1-5 ; 0-0. Bhí Gaoth Dobhair i bhfad ró láidir acu. Ag tús an dara leatha fuair Uinseann Ó Brisleáin pointe. Ansin i ndiaidh trí bhomaite fuair an fear ceanna scoith pointe nuair a bheir sé go gleoite ar bhall ard agus chuir speach ghalanta idir na cuailí. Bhí deich mbomaite imithe nuair a fuair Naomh Naul pointe ó shaorchic amaideach. I ndiaidh trí bhomaite dhéag tharla ceithre rud. Fuair Antoin Ó Cearúill pointe ó thriocha slat. Rith caora isteach ar an pháirc - i dtíbh - le salachar. Tháinig Seán Ó Braonáin isteach in ait Dhonncha Uí Gallchóir. Agus chuir an moltóir Seán de Barra, Naulach, ón pháirc cionnas go raibh sé ag tabhairt geaba dó. Fuair Neilly pointe ó shaorchic i ndiaidh seacht mbomaite dhéag. Sé bhomaite i na dhiaidh sin chuir Dónall Ó Brisleáin liathroid ard go himeall na cearnóige agus chuir a dhearthair Pádraig san eangach é. Scairteadh le Dónall dhul 'back sna backs.' Fuair Pádraig pointe eile agus fuair Nauls cúl éasca solais gar don deireadh.

Foireann sóisir Naomh Naul. Sin a bhfuil de. Bhí Gaoth Dobhair go measartha. Níl mé ag rá nach bhfuil championship iontu. Tá na tosaithe iontach dainsearach ach cuireann siad cuid mhór seansanna amu. Bhí Neilly iontach maith sa chéad cheathrú ach chan in óige atá sé ag dul. Tá tréan peile sna Brisleánaigh. Ní raibh Prionsias Ó Cearúill comh maith agus a bhí sé i gcluiche eile i mbliana. Ghlac an Beirneach a phointe go maith. Bhí Pádraig Mag Fhionnaile gortaithe. Beidh Timlín Ó Cearnaigh, Míchéál Ó Duibhir, Caoimhín Ó Doinnleibhe

san iomaíocht fosta. Tá sin folláin. Rinne Míchéál Mhicí agus Séamus Phaddy strocadh mór i lár na páirce. Níl mé sásta leo go fóill. Ní leor a bheith ag strocadh leat. Tá rud inteacht in easnamh. Biseoidh siad. Fuair Dónall Ó Brisleáin greim ar chupla ball álainn. Rinne Antoin Ó Cearúill amhlaidh. Bhí Seán Ó Braonáin iontach maith i nGaillimh. Cúlbaire maith é Tadhg Mag Fhionnaile. Ach tá laigeachtaí sna cúit. Níl aon amhras orm faoi sin. Beidh Éamonn Mag Fhionnaile, Donncha Ó Gallchóir, Cathal Ó Dónaill, Pádraig Mac Giolla Bhríde, Seán Ó Duibhir, Caoimhín Ó Doinnleibhe, Timlín Ó Cearnaigh, an Súilleabhánach, Eoghan Mac Giolla Bhríde i gcoimhlint ghéar.

Bhí an spéir uilig liath agus cúigear gasur ag ciceáil isteach is amach ag fágáil domh. Tá mé lán dóchais.

An foireann; T. Mag Fhionnaile D. Ó. Brisleáin, D. Ó. Gallchóir, S. Ó. Duibhir, A. Ó. Cearúill (0-1), E. Mag Fhionnaile, P. Mag Giolla Bhríde, M. Ó Gallchóir, S. Mac Gairbheith (0-1), P. Ó. Cearúill L. Ó. Beirn (1-1), N. Ó. Gallchóir (0-2), U. Ó. Brisleáin (0-2), P. Ó. Brisleáin (1-2) Peadar Ó Brisleáin (0-1), Fear ionaid; S. O. Braonáin (in ait D. Ó. Gallchóir).

Tá curai na contae, Naomh Adhamhnain, amuigh as an cluiche. Bhuaile Seán Mac Cumhaill iad. Ruagairí na Rosann agus Naomh Iosef dulta chun tosaigh fosta. Dhá athimirt - na Gleanntaí agus na Ceithre Maistrí, Cill Charthaigh agus Ruairí Mac Easmainn. Is dócha gur Gaoth Dobhair an séú foireann.

## Tuairisc eile

Thug mé cuntas fada ar Gaoth Dobhair agus Naomh Naul. Thabharfainn cuntas fada fosta ar an chluiche i gcrabhbh sinsir Uladh idir Tír Chonaill agus Tír Eoghain a himríodh i mBealach Feich ar Ló Fheil Eoin. Ach ní bheadh suim ag aonduine ann. Cuntas samh-nasach deisteanach ar thinneas a bheadh ann.

Bhí an chéad deich mbomaite maith go leor. Bhí Neilly Jimmy John ag imirt go maith agus cupla pointe faighte aige. Ansin, agus an imirt níos mó na leiththead slat ar shiúl, chnag fear s' aige Neilly agus d'fhág sínte ar shlait chúl a chinn ina chuid fola é. Cuireadh sé ghreim ina ghrua san otharlann. D'éirigh mise tinn. D'éirigh cuid mhór daoine tinn. Bhain Tír Eoghain le dhá phointe. Níor mhiste liom cé a bhainfeadh. Rinne Prionsias Mac Uiginn agus Antoin Ó Gallchóir rudaí a thabharfadh pléisiúr dom de ghnáth.

Seo a bhfuil le rá agam anois; muna bhféachann CLG chuige go gcuirfead pionós agus pionós trom ar an fhear a chnag Neilly agus ar an Chonallach a chnag Hetherington sa dara leath níl an cumann ach ag cothú blaigneardachta agus maistíneachta.

Dearfaidh mé tuilleadh níos moille. Lig fear mór - le-rá i gCLG sios muid fosta. Is é mo ghrua nach mbeidh comh maith ar Neilly agus go dteoraí sa Gaoth Dobhair air chun craobh a chontae.